



ზოგადსაგანმანათლებლო
დანესაბუღებების ავტორიზაციის საბჭო

30/12/2024



MES 7 24 0001671641

გადაწყვეტილება

**„სსიპ - ქალაქ ბათუმის N6 ფიზიკა-მათემატიკის საჯარო სკოლის ავტორიზაციის შესახებ“
ზოგადსაგანმანათლებლო დაწესებულებების ავტორიზაციის საბჭოს 2023 წლის 18 ოქტომბრის
N 1396138 ოქმის მეხუთე ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად და საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1. შევიდეს ცვლილება „სსიპ - ქალაქ ბათუმის N6 ფიზიკა-მათემატიკის საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 18 ოქტომბრის N 1396138 ოქმის მეხუთე ნაწილში და ჩამოყალიბდეს შემდეგნაირად:

„5. სსიპ - ქალაქ ბათუმის N6 ფიზიკა-მათემატიკის საჯარო სკოლის ავტორიზაციის საკითხის განხილვა

საბჭოს თავმჯდომარემ საკითხის განხილვა დაიწყო დაწესებულებების წარმომადგენლებთან და საბჭოს წევრებთან მიმართებით, ხომ არ ჰქონდათ ერთმანეთის მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ, ასევე საბჭოს წევრებმაც დააფიქსირეს იგივე. საბჭოს თავმჯდომარემ მიმართა კვლავ საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს.

საბჭოს თავმჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

შემდეგ ზოგადსაგანმანათლებლო დაწესებულებების ავტორიზაციის საბჭოს თავმჯდომარემ სიტყვა გადასცა ავტორიზაციის ექსპერტებს, კონკრეტულად ჯგუფის თავმჯდომარეს, მაკა ტუკვაძეს.

ავტორიზაციის ექსპერტთა ჯგუფის თავმჯდომარემ საკითხის წარდგენა დაიწყო ვიზიტის საერთო მოკლე მიმოხილვით და განაცხადა, რომ სსიპ - ქალაქ ბათუმის N6 ფიზიკა-მათემატიკის საჯარო სკოლაში ავტორიზაციის ვიზიტი განხორციელდა 2023 წლის 20 და 21 ივლისს. ექსპერტმა აღნიშნა, რომ ვიზიტმა ჩაიარა მშვიდ და კონსტრუქციულ გარემოში. აქვე დაამატა, რომ საწყის ეტაპზე, უშუალოდ ვიზიტამდე, ექსპერტთა ჯგუფი გაეცნო პირველად საავტორიზაციო განაცხადსა და მასზე თანდართულ დოკუმენტაციას, ხოლო შემდეგ ადგილზე მოხდა მატერიალურ-ტექნიკური ბაზის დათვალიერება და დამატებითი მასალების შესწავლა / შეფასება. საგნობრივ ექსპერტებს საშუალება ჰქონდათ დღის წესრიგის მიხედვით დისტანციურ რეჟიმში გასაუბრებოდნენ სკოლის მასწავლებლებს და მოემიბინათ მათთვის საჭირო ინფორმაცია მე-2 სტანდარტთან მიმართებაში. აქვე განმარტა, რომ დაწესებულება სურდა ზოგადი განათლების დაწყებითი, საბაზო და საშუალო ზოგადსაგანმანათლებლო პროგრამების განხორციელება, ქართულ ენაზე. ზოგადსაგანმანათლებლო დაწესებულებების სტატუსის მამიებლის თვითშეფასებაში მოთხოვნილი მოსწავლეთა ადგილების ზღვრული რაოდენობა იყო - 2800, რასაც ეთანხმებოდა ექსპერტთა ჯგუფი.

მაკა ტუკვაძემ საბჭოს წევრებს დეტალურად, კომპონენტისა და ინდიკატორის მითითებით, წარუდგინა ყველა ის თავდაპირველი ხარვეზი, რომელიც სკოლას უშუალოდ ვიზიტის მსვლელობის დროს დაუფიქსირდა და შემდეგ განაცხადა, რომ ექსპერტთა ჯგუფმა გაიზიარა დაწესებულების მიერ წარმოდგენილი არგუმენტირებული პოზიცია, სტანდარტებთან უზრუნველყოს შესაბამისობის გეგმა და თანდართული მტკიცებულებები, რის შემდეგაც პირველადი ხარვეზების ნაწილი შეფასდა, როგორც სრულად შესაბამისი, ხოლო მე-2 სტანდარტი - მეტწილად შესაბამისი.

კერძოდ, არგუმენტირებული პოზიციით სკოლამ წარმოადგინა:

- „სკოლის ფილოსოფიის (მისია, ხედვა და ღირებულებები) შემუშავებისა და სტრატეგიული დაგეგმარების მეთოდოლოგია“;
- სტრატეგიული განვითარების გეგმა - 2023-2030 წწ;

ექსპერტთა ჯგუფის თავმჯდომარემ აღნიშნა, რომ 1-ლი სტანდარტი - სკოლის ფილოსოფია შეფასდა, როგორც „შესაბამისი“, მე-2 სტანდარტი - სასკოლო კურიკულუმი - „მეტწილად შესაბამისი“, მე-3 სტანდარტი - სასწავლო პროცესის ადმინისტრაციული და ინფრასტრუქტურული მხარდაჭერა - „შესაბამისი“, მე-4 სტანდარტი - მოსწავლეთა მხარდაჭერა შეფასდა, როგორც „შესაბამისი“ ავტორიზაციის სტანდარტების მოთხოვნებთან.

აღნიშნულის შემდეგ ექსპერტთა ჯგუფის თავმჯდომარე გადავიდა სკოლის მიმართ გაცემულ რეკომენდაციებსა და რჩევებზე და დამსწრე საზოგადოებას გააცნო თოთოეული კომპონენტისა და ინდიკატორის მიხედვით ექსპერტთა ჯგუფის მიერ გაცემული რეკომენდაციები/რჩევები, რაც დეტალურად იყო აღწერილი ავტორიზაციის ექსპერტთა ჯგუფის საბოლოო დასკვნაში.

აქვე მაკა ტუკვაძემ ისაუბრა სკოლის მატერიალური-ტექნიკურ ბაზის შესახებ და დააფიქსირა, რომ დაწესებულების სამივე შენობა უზრუნველყოფილია სასწავლო პროცესისთვის აუცილებელი ყველანაირი ინვენტარით.

ექსპერტთა ჯგუფის პრეზენტაციის დასრულების შემდეგ საბჭოს თავმჯდომარემ სიტყვა გადასცა საბჭოს წევრს, პეტრე ბაბილუას, რომელსაც კითხვა ჰქონდა დაწესებულების გაძლიერებულ სტატუსთან დაკავშირებით, კერძოდ მან მიმართა სკოლის წარმომადგენელს,

თუ რაში გამოიხატებოდა ის ფაქტი, რომ სსიპ - ქალაქ ბათუმის N6 ფიზიკა-მათემატიკის საჯარო სკოლა განსაკუთრებულ ყურადღებას უთმობდა ფიზიკისა და მათემატიკის მიმართულებებს.

აღნიშნულზე სკოლის დირექტორმა, ზურაბ ზაქარაძემ, განმარტა, რომ სკოლა გაძლიერებულ სწავლებას ახორციელებს საბაზო და საშუალო საფეხურებზე 2012 წლიდან, მას შემდეგ რაც სამინისტროს მხრიდან მიენიჭათ, ფიზიკა-მათემატიკის გაძლიერებული სკოლის სტატუსი და სახელი, ხოლო აღნიშნული დასტურდება სასკოლო კურიკულუმში ზემოთ ხსენებულ მიმართულებებზე დამატებული საათებითა და თემებით, ასევე დაგეგმილი აქტივობებით, კერძოდ, რეგიონალურ და საეთაშორისო კონფერენციებსა და ოლიმპიადებში წარჩინებული მოსწავლეების მონაწილეობით.

ზეპირი მოსმენისას საბჭოს წევრებმა განსაკუთრებული ყურადღება გაამახვილეს დასკვნის პროექტში ასახულ რეკომენდაციებზე, კერძოდ 3.4.1.1 და 3.5.1.1 ინდიკატორების დაკმაყოფილების შესახებ, რომელიც ეხებოდა 1) სამივე შენობა-ნაგებობების სახანძრო უსაფრთხოების მოთხოვნებთან შესაბამისობის შესახებ დასკვნის მოპოვება; 2) სამივე შენობის საგანგებო სიტუაციების მართვის გეგმის შეთანხმება შესაბამის უწყებასთან და 3) სამივე შენობის მდგრადობაზე დასკვნის მოპოვება შესაბამისი ორგანოსგან. ასევე სკოლას მიმართეს, რომ შესაბამისობის გეგმით განსაზღვრულ ვადებში (2023 წლის ოქტომბერი-დეკემბერი) უზრუნველყოს მე-2 და მე-3 კორპუსების, სკოლის მფლობელობაში არსებობის დადასტურება (საჯარო რეესტრის ამონაწერით).

საბჭოს თავმჯდომარემ, კენჭისყრაზე დააყენა სსიპ - ქალაქ ბათუმის N6 ფიზიკა-მათემატიკის საჯარო სკოლის ავტორიზაციისა და მოსწავლეთა ადგილების ზღვრული რაოდენობის 2800-ით განსაზღვრის საკითხი.

კენჭისყრის შედეგები:

მომხრე - 9

წინააღმდეგი - 3

უარყოფითი ხმები დააფიქსირეს ეკატერინე კვირიკაშვილმა, ზვიად გოგუაძემ და პეტრე ბაბილუამ, რაც გამოწვეული იყო იმ ფაქტით, რომ სკოლას არ ჰქონდა დასკვნა სამივე შენობის მდგრადობის შესახებ, სამივე შენობის საგანგებო სიტუაციების მართვის გეგმა შეთანხმებული შესაბამის უწყებასთან და სამივე შენობა-ნაგებობების სახანძრო უსაფრთხოების მოთხოვნებთან შესაბამისობის შესახებ დასკვნა. ასევე, სკოლას რეესტრის ამონაწერით მფლობელობაში არ უფიქსირებოდა მე-2 და მე-3 კორპუსები.

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის, მე-2 და მე-4 პუნქტების და 21-ე მუხლის პირველი, მე-2, მე-2¹ და მე-3 პუნქტების, 27-ე მუხლის მე-4 პუნქტის შესაბამისად სსიპ - ქალაქ ბათუმის N6 ფიზიკა-მათემატიკის საჯარო სკოლას (ს/კ: 245428933) 6 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 2800-ით. დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო	ზოგადსაგანმ	ზოგადსაგანმა	
---	----------------------	-------------	--------------	--

	პროგრამის სახელწოდება	ანათლებლო პროგრამის საფეხური	ნათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	ქალაქი ბათუმი, ფიროსმანის ქ.N5
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	ქალაქი ბათუმი, ფიროსმანის ქ.N5 და სვიშვესკისქ.N1
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ქალაქი ბათუმი, ფიროსმანის ქ.N5 და სვიშვესკისქ.N1

საბჭომ შუამდგომლობით მიმართა ცენტრს მონიტორინგთან დაკავშირებით:

მონიტორინგი ექსპერტთა ჯგუფის შექმნით:

მონიტორინგის დაწყების პერიოდი - 2025 წლის ოქტომბრიდან;

მონიტორინგის განხორციელების ფორმა - ექსპერტთა ჯგუფის მიერ დოკუმენტაციის შესწავლა;

მონიტორინგის ფარგლები: მე-2 (დაწყებითი, საბაზო და საშუალო საფეხურის
ზოგადსაგანმანათლებლო პროგრამები) სტანდარტი.

ასევე სკოლას განუსაზღვრა რეკომენდაცია, რომ 2025 წლის სექტემბრის ჩათვლით წარმოადგინოს შემდეგი დოკუმენტაცია:


- სამივე შენობა-ნაგებობების სახანძრო უსაფრთხოების მოთხოვნებთან შესაბამისობის შესახებ დასკვნა;
- სამივე შენობის საგანგებო სიტუაციების მართვის გეგმა შეთანხმებული შესაბამის უწყებასთან;
- დასკვნა სამივე შენობის მდგრადობაზე.“

2. ზოგადსაგანმანათლებლო დაწესებულებების ავტორიზაციის საბჭოს 2024 წლის 30 დეკემბრის N1670966 სხდომის ოქმის მეოთხე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ.

ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
მალაზონია დავით



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ჯინჭარაძე მანანა

